

何太虛文集序

夫言之秩然次序條理者謂之文文無待於作也後之人口之所言雜亂然無紀則必締構於思撰造其辭而後筆之於簡牘古人雖不作文孔子嘗云辭達而已矣此固作文之大法也而奈何作者之不知此哉東漢以來氣弱體卑無復有善作者至于今殆千餘年唐宋盛時號為追蹤先漢而僅見韓柳歐陽曾王二蘇七人焉若李習之若唐子西若張文潛非不遊韓蘇之門

門而竟未與韓蘇合一也茲事豈可易視哉表  
弟何中太虛少負逸才弱冠已能詩而亦用意  
於文有志於聖賢之學至順二年春予卧病廬  
予於病中授以所著文集予讀之不惟優優乎  
升七子之堂苟於此而擴充焉雖聖賢地位可  
至也顏淵曰舜何人也予何人也有為者亦若  
是斯言洵不誣矣予不勝其喜非私喜也喜斯  
學道之有傳也斯道也雖非儒者之本務而其格力之高下  
實氣運之盛衰關係又豈  
小小哉病餘倦於書然喜之之獨極為書其後

而還其稿前翰林學士資善大夫知制誥同修  
國史草廬吳澄伯清序

知非堂稿序

知非堂稿者太虛何先生名其所著之文集也  
先生生於樂邑負郭之西溪西溪樂邑詩書之  
鄒魯也先生穎悟絕人讀書一日一行年十八  
携所業不遠數百里謁劉須溪於文江之上而  
取正焉須溪一見器重之留西塾半歲而歸克  
然若有所得也是時吳文正公草廬方以道自  
任閉門著書與先生有中外兄弟之戚日相從  
講明道德性命之懿推演濂洛關建之學以培

其根以達其枝元初盱江程文憲公奉

旨訪求遺逸於江南首聘先生以為子師已而  
虞文靖公邵庵揭文安公曼碩俱在朝欲挽以  
同入直館閣薦章交上先生承此遂一至燕都  
觀山川之磅礴閱風景之不同考古今之沿革  
審人物之高下辨疆域之殊絕居而月天大雪  
竟拂袖而歸元參政復初序以送之先生之志  
以為伯父俱擢科仕宋為宋忠臣與元殆不共  
戴天之讐也苟屈節而沾一命焉則是亡君父

而事讐矣異日何以見諸父於地下乎自是閉  
門不出口不談當時事惟以經史自娛蒔花種  
竹含飴弄孫以樂其樂富貴非所願也未幾全  
公止所為江西行省平章禮賢下綽有周公  
之風與先生有道義交即日具書幣遣使詣廬  
而請焉先生無求於世既往見講論數日平章  
知其志不敢留禮而歸之由是先生之文德道  
學日益富聲名日益彰四方聞風而來學者益  
衆先生著述繁夥皆板行於世矣兵燹後蕩失

無遺族子雅言投於煨燼之餘哀集於朋友記  
誦之未僅得知非空稿六卷甚欲命工鈔梓而  
綿力薄材弗克如願既而宦遊於蜀遇趙都管  
君時中讀而珍之欲為刊行無何以非罪羈於  
北獄時讞獄之官夢見江南有一儒者來謁曰  
姓何名中有故人某在獄希釋之與來詢諸管  
君管以實對讞獄者遂感而釋之且曰爾之官  
即為竣其事無令先哲之文而泯沒也管君還  
任遂鈔梓以傳嗚呼先生在天之靈其不爽也  
如此為其後者敢不珍藏什襲而景慕之乎雅  
言求予為之序故書此以復昔洪武丙子秋菊  
節後二日鰲溪儒學致仕訓導桐江黃德民九  
臯序

僕幼讀書時先君一和翁教誨極篤嘗語僕曰  
吾族奕世業儒以文章顯身而名世者甚夥然  
遭兵燹之後蕩失無幾今幸存者尚有柳塘遺  
響集存心雖勗集太虛知非等集皆無好事者  
再刻以傳汝可強記覽而景行先哲焉僕聞語  
退私念倘有為日當鋟棗以貽永久後七年先  
君厭塵而棄僕矣又十三年是為洪武丙子僕  
取鄉貢竊祿于蜀追憶先君所言切切于衷獨  
以奔走因循欲作復止比因以暇將舉其事以

償素志幸獲趙郡管君時中愛賢重文極力相  
助於是取太虛先生知非稿詩文編次六卷命  
工刊傳第以先生著述繁富顧僕綿力薄材弗  
克完美其所未備尚俟來考續編焉永樂三年  
乙丑夏五月朔後學孫譏識

撫樂何中能言知讀書咸壬申甫髫隨先君住  
廣東曲江乙亥先君與伯父時會文信公同舉  
義旗分據要害與虜屢死戰弗克既而信公被  
執崖山傾頽而國訖錄麾下軍兵盡于一時亡  
散先伯先君焚焚獨立悵然無所歸先伯憤悵  
遂削其髮變其姓曰鄧名字約號堅白道人流  
出嶺至元丙子落江贛間賣卜自給先君僑居寧都隱避浮寄  
者三年先伯不幸終于彼越明年先君奉柩以  
歸又明年己卯始從師問學師宋進士張叔芳朱

光甫羅士鼎於前輩屢嘗親劉會孟謝君直姚  
端夫王肯堂交其詠之程鉉夫李士弘元復初揭  
傒斯全止非所當世知名士多友善於吳伯清為  
媿兄弟云至大戊申如祈析津皇慶癸丑適東甌所  
著易象類二卷書傳補遺十卷通鑑綱目測海  
三卷通書問一卷吳才老協韻補疑一卷六書  
綱領一卷校補通六書故蘇丘迷遊錄一卷三十二卷稽陶錄十卷  
樵訓五卷笠釣集一卷壺山集一卷知非堂稿  
十七卷知非堂外稿十五卷嗚呼中之所著固  
不足以傳然每思先君先伯之教及間關困苦  
竭忠于宋未嘗不痛切于懷幸而史傳具載不  
磨殊可少慰延祐庚申六月朔何甲太虛自序



何先生集序

何先生諱中字養正號太虛撫樂人父天聲伯  
時皆擢進士第仕宋稱能官先生博綜經史百  
家研窮鑽究不盡通不已少同郡翰林學士吳  
先生十七歲其學常不肯下吳先生所著易類  
象書傳補遺通書問樵訓筭書皆與吳先生更  
相發者也而其書該明廓深亦後進楷模其為  
詩精深雅粹可與唐貞元元和間諸人雁行其  
為文義博而詞達可遠追作者早為翰林學士

承旨程文憲公翰林學士元文敏公所知而不  
及薦最後江西行省平章公能禮而起之而  
不及用以至順二年六月年六十八先吳先生  
一歲卒其門人潘懋以其所著易類象二卷書  
傳補遺十卷通鑑綱目測海三卷通書問一卷  
韻補疑一卷六書綱領一卷校補七書故三十  
二卷知非堂稿十七卷知非堂外稿十五卷樵  
訓五卷摛頤錄二卷薊丘述遊錄一卷合而題  
曰何先生集刻傳之而屬予序予豈足以知先  
生哉觀懋之心可以知先生矣元統二年十月

揭曼碩序

知非堂稿目次

一卷

五言古詩

別謝提刑

安上人蘭若

菊 三首

墨梅

讀史 三首

穆山山中

雜述 五首

夜久

讀晉史 九首

秋雨

偶書

掩卷

次羅士鼎韻別羅以通

遊芙蓉山 十三首

春日書懷 四首

溪行

李千戶至自南海分遺椰實喜賦

歲晚詠懷 四首

城中雨後

華蓋山 二首

松野即事 五首

遠離別

遊燒香寺於道傍折枝而歸遂賦

秋日山行雜興 四首

由書堂寺入夫容之麓五代時有胡先生  
隱居其地守故宅云今碑不書有游生  
者寫華嚴經留寺清楚可觀生寧宗時  
人

白馬篇

黃塘渡

文江夜舟

箬嶺人家

二首

望玉筍

登北山塔

東湖別吳伯清周栖雲虞伯生諸君子

寄揭曼碩

聚遠樓分韻得笛字

梅

題黃壽伯玉泉圖

二卷

五言古詩

贈元復初

二首

春風如少年效陳漢翁

西湖山

皈信寺近曾文昭公墓次

程氏山房燕集是麻原第三谷

招仙觀

知非堂夜坐

遊穆山寺

宿田家

發新淦金水亭

小孤山

曉發辭夫磯時李洞漑之友先行

龍潭阻風夜興

淮陰古城

望新安山投宿不及

歌風臺

登李白酒樓

同鄉客

影兒灣看落日

酬揭曼碩重贈

宿十里村

涿州道間雪齋

河間曉行

早發東阿午經東平晚宿汶上是日雪

淮安道中

得風自施園一日至梅根

南浦旅懷

朱方偶作

訪程漢翁不遇賦寄

酬彭通復懷友見及之作

暮行城東懷望漢翁因寄

丹霞洞天

昭武西塔山報恩寺

浴候官湯泉

三仙謠

苦熱得雨

九日

壺山絕頂望海

登九仙山

烏石山天王寺

黃溪口看白水

訪貢仲章舟行阻風

送友歸臨川

雪中重過黃沙

早起

撫州魏玄觀

鍾陵紫極宮寫韻軒晚立

洪都靈應觀榜雲徑

新淦太平山

崇仁鍾山寺

樾溪

立秋日雨

壬戌夏五友陳宗元會於富州下梅黃氏

河湖水岐山觀與友人皮季武同遊

豐城疎山寺



樟樹鎮五公寺

清江鎮靈峯守員峒宮

重到山水村

送涂雲章北遊

病起舒懷

閤皂山鳴水臺

持志堂蒼玉軒

李氏淡香亭

劉崇王秀才金自修高士自閤皂山來訪

於樟樹鎮值大雪時余抱病病愈賦別

儒學提舉司宴集 至順二年冬平章全

公命提舉高才翁設宴儒司酒酣分韻

賦詩得迎字

除日文江書懷

寄題天光雲影樓

三卷

五言律詩

述懷

除夕

正月五日吾族諸老僕服縱遊 三首

幽尋

晚興

遺老

春郊 三首

雨後晚行 三首

伯父堅台道人挽詞 三首

老圃堂雨 二首

喜雨

雪

奇石

山中

微雪

別羅士鼎

送喻道人歸蜀鶴鳴山 二首

曉晴

南居寺

饒州道上 二首

采山歸步

象牙潭遇風

病中感懷

夢鄒明遠時遇金溪楊方

留金溪夜雨達旦有懷

陳家源

龍池寺蒲石

留丈江久雨值水

白鷺洲

甘詠之挽詞 三首

劉太傅挽詞 三首

程總管挽詞 三首

寄鄒明遠就問訊諸友

聶氏丈人室

送曾教諭之官萬安

立秋夕作

雨餘桂花盛開

次吳仲谷離字韻

送巡檢之官柳州

陳母姜氏挽歌

槎溪

元真寺橋小憩

送人歸臨州

絕江

登蛾眉亭

讀晦庵集

吳仲谷來喜雨

贈盱江黃季興往宜春訪舊識孔知事

牡丹

除夕

五言排律

節婦周母鍾氏挽詞

陳峭軒挽詞

陳提舉挽歌

梅

移菊

寄程承旨

皮氏逸亭

黃體元別業因梁為言范德機榜玉壺水

揭曼碩賦古律余賦今律十韻

送咬住簽事赴南臺

送董方達赴廣東

寄題凌氏橫舟閣

四卷

七言古詩

與甘東溪

漢宮春

春怨 二首

讀羅時翁燕山行稿

用歐陽文忠公神清洞韻題羅士鼎來元

暉神清洞圖

反曾子文靖節詩註

中秋走筆

塞野縱目

道傍湖中小白蓮花清香可愛野人名曰

玉蓮

高田四時歌

四首

宿紫玄洞天

羅士從真一酒歌

墨梅

贈陳仲實

寄題疎山寺半間禪房

別高申伯

送皮德昭之官武林

郝思溫大字歌

題江南烟雨騎驢圖

送朱縣尉之官贛城

菊歌

送程學士

魯港行

采石

車碌碌

黃河道

龍灣阻風次日舟人必行解舟風回喜賦

長風沙

山碯碯

冲虛宮景真堂

了娘团

古秋夜長晴雨 二首

題盧鴻十志圖

撫州擬峴臺

雪中度崇仁望仙峯

題五馬獵歸圖

黃氏南園歌

題五公寺壁畫古柏

由寶塘舟行至臨汝

山中樂效歐陽公 四首

龍霧洲

陵山館辭

五卷

七言律詩

與湖山村

送李仲章遠遊

秋懷 二首

歲菊

除夜

閱穆陵丙辰御賜進士詩

大水

雨中 二首

八月二十八日

夜立

臨川道中

穆山書事

晚步

曉晴

孺子亭

登滕王閣



次韻彭希爽吳景傳約遊穆山  
興化軍冲虛宮陳虛一尊師

舟中

黃氏石闌

諭仲本詩集

次雪溪上人秋興韻

答清江皮季賢見寄

送族弟元迪

寄詹正之

觀除目有感皮德昭

贈直心苦口道人

無題

舟中次涂雲章韻

題崔明伯詩卷

壽黃希尹

送郭竹堂赴南臺

題皮武季所抄吳草廬周栖梧孫少初皮

季賢四十年前閣皂碧崖暎句後

荅諭本仲

荅胡器之

贈丁教諭

題陳達觀浪吟集

袁氏雙頭蓮

送達海提領

次吳草廬花晨韻

再用韻荅周昂霄

送詹伯昌曹州迎親

由清江赤城觀至寶塔寺暮歸樟鎮

酬揭曼碩贈別

任城南

魯橋發舟喜賦

秋夜獨立有懷

偶成

壬子元夕

陳虛一尊師山房雨後

寄卿信

種菊久客遂爾蕪蔓扶植成詩  
得家信

遇揭曼碩有贈

新塗暇步作

黃籙醮

元日

讀荆公集 二首

寄智玉成

閤皂山福地

題墨梅

題石橋

乙丑元日

後正月二十六日有喜

鄒悅道哀詞

自羅源沿溪尋梅得之喜賦

會吳學士於山水村

黃氏塵外亭

壽吳學士草廬八十

題金石錄 即雲萍錄

贈墨者侯生

庚午上元 是年江西六飢

風陂即事

黃養浩得小石山有詩自和索余同賦

六卷

七言絕句

穆山

舟夜

訪曾士益

海棠

西嶼

即事

江竹

雪 四首

清明

夕陽

昨夜

落葉

獨來

絕句

楊花

次史藥房池上即事韻

夏日偶成

登高

隨興 三首

對櫻桃

雨行

秋原

小齋獨坐

初春

雨中遣興 三首

聽雨

題雲烟疊嶂圖

題錢舜舉小景

題觀瀾圖

題曾祖說詩集

豐城道中

雪中戲成

題瀟湘秋色圖

穆山二絕

客來

維陽道中三絕

無題

邗溝

見梅花

微雨

放船

莆陽歌五絕

題陳舜卿龍卷

送人遊玉笥山

黃沙道中

山行隨興

清江道間阻雨

陵雲山房雲中 二首

新淦藍步溪

無題

西風

喜雨

題墨菊

見棟花開

酬友人見訪不遇

題趙太祖太宗蹴鞠圖

荷花

立春近夜雨達旦

除夜自封溪歸高淵 五首

豫章登舟作

象牙潭

絕句

春風

自笑

豐城道中 二首

挽陳峭軒詞

七卷

笠釣集叙

集易類象後

送太虛北遊序

送太虛南歸序

答太虛書

與太虛書

太虛先生高士亭歌

存德堂賦

太虛先生傳

出元史

猶子養正字說

元故聘君高圖先生何公隱士世系行述

太虛先生墓碣銘

陳孺人墓誌銘

附

八卷

上姚承旨書

與貢提舉書



與詹叔厚書

與羅滄洲書

與熊天慵辨春王正月書

賀元叅議明善書

九卷

跋黃君適安所藏先伯父手筆

跋紹興十九年左迪功郎臨桂縣尉吳君

告身

跋武夷擢歌真蹟

跋熊天樂所畫漁樵問道圖

跋吳草廬學基學統後

跋虞伯生為師茂實作西臯說後

題子猷訪戴圖

題文信公帖

題止一齋

題甘矮梅送廣昌黃次清叙後

跋南唐何童子勅牒後

跋趙子昂書敬齋箴後

題吳先生順慶路孔廟禮器記後

跋閻皂山道士陳宇公所藏白玉螭墨蹟

跋徐氏家譜

跋東川陳氏家譜

學前潘氏族譜序

題陳季山所藏黃林隱躍困圖

題方氏百梅畫圖譜

十卷

江村小隱記  
川上記

皮維楨字說

無盡說

古梅說

春暉堂詩 有序

萬里窗銘 有序

朝陽銘

宜晚銘

知不知齋銘

龍贊

學箴

十一卷

翰林學士承旨光祿大夫知制誥兼修國

史程公行狀

徐泰甫行狀

賴氏行述

陳桂溪行實

節婦劉母歐陽氏事狀序

旌表節婦周母鍾氏行狀

皮魯壽墓誌銘

吳母甘氏墓誌銘

黃有大墓誌銘

元故石壁潘瑤翁妻黃氏孺人行狀

撫樂何

中太虛著

五言古詩

別謝提刑

戊子十一月二十四日拜疊山先生於雙桐  
驛蓋先伯見山同丙辰理宗親擢也先生叙  
舊好言同心焉明日中試二詩為別

峩峩樓觀地寂寂風雨墟可憐零落身萬里投  
修途窅窅千娥眉已奉他人娛主恩天罔極苟

生豈良圖行行重行行善保千金軀別懷不敢  
訴顧步復踟躕吳門白日落孤妾悲洞房徒倚  
無所歸朔風滿羅裳時為春柳陰今作秋菊黃  
芳景不速盡愁心與俱長逝者魂魄在九京共  
徜徉粲粲河北水蕭蕭天雨霜出門即遠道死  
生永相望

安上人蘭若

獨尋小蘭若積翠森松筠禽聲悟禪家幽花吐  
精分精雲漱光欣合時飛野鴨羣娟娟前山秀適  
茗離坐與晤言亦忘此境邃而耳天樂聞何當  
脫世網於焉窮朝曛

菊 三首

我琳不半畝黃花列千叢蕭條變良時一夕萬  
里風立孤不作難英英異風骨君看牆東客夜  
寒步霜月

又  
黃花來何晚及此秋霜繁寄語山外人棄捐我  
何言幽芳具四時要在培深根我來繞花行我

道將無存

菊花如幽人梅花如烈士同居冰雪中標格不

相似道里阻荒寒故人萬里餘菊枝儻可折持

以寄遠書

墨梅

客携數尺紙手展墨色鮮江梅發疎花蕭然瞰

清川澹月挂寒枝孤幽弄芳妍豈非立彫後或

是標春先日月相往還何用悲歲年此花於此

時好修乃獨賢處士窮幽居羈臣懷左遷裁詩

孤山雪擁麴羅浮烟我今亦何恨仰視空青天

世族不貴真其共把墨粉傳玄岳雖令嚴此花不

俱玄于何幻素質物性亦復然夢中如聞香殘

更悟醉眠起來索梅花家家冥江之墟

讀史 三首

桓桓韓將軍當年誰寄目豈無漂母食亦有跨

下辱雄劍一朝飛舉手拾秦鹿風雲走倏爍乾

坤因馳逐滎陽廣武間楚漢寄我足王業四百

年尺封屢翻覆賞厚豈勢搖功成乃身戮所貴

英雄人豈甘草中伏誰為後來者感此空碌碌  
舉頭見青天天邊有鴻鵠

羸法四海熱震蕩昏三光雲飛大風起赤子沐

清涼當時周旋人一轍惟身歿悠悠赤松子不  
識為何祥千年有崔浩前修持自彰豈知媿所  
事乃是元家王恐非鳳啣圖但見雁求梁伊爾

山中人勿棄蘭蕙芳

鼎移炎德燼南陽尚躬畊胸中經濟事感我三

顧誠顧城保蜀非王基何似田一成顧豈志功名乃  
欲表忠精煌煌漢家業草木豈無情誰知鄴中

兒原是漢人生運去身或移事往恨難平悠悠  
梁父吟終古有餘聲

### 穆山山中

江南有丘壑我生良獨閑秋風二三友揭來遊  
茲山山深不見寺但見飛泉寒蛇行兩山峽天  
風鳴珮環青烟從何來墮我前林端未知有徑  
否鐘磬猶未殘長歌鳴萬谷應仰見數峰詳攢紆餘  
緣澗入側步寒雲關豁然得空曠聊復解破顏

殿靜蘚花潤松危鶴聲乾僧寶烟數珠相我槃  
礴觀大開雙白眼應接幾青鬟徘徊日已晚人  
間行路難猛虎蔽叢薄潛蛟激風湍振衣出山  
去大嘯驚人寰

雜述 五首

姪未既文傲羸疆淪九疇矣德屹肇基王風遂  
迴輶繼繼崇禪讓終始還相酌忽然茲道絕魚  
羊莽齊州遙知後來者亦與豐沛儔荒哉結繩  
初爾來幾千秋大化不停運有生涉其流此時

偶際會昔日射旄頭

天龍地用馬健順理亦宜誰於其兩間赤手握

陰機東門一長嘯四海皆驚迷向來種桃人此  
去當何之悠悠黃唐遠來者邈難期龍逝白雲  
征馬輕九坂馳行行馬上即萬里長風吹不見  
長江邊折盡楊柳枝

又

月蠹桂不植桐枯鳳來遲高舉不顧返尚念榮  
與衰全身古所貴逃名亦何為自昔青門人不  
識東陵時天地始一息人道乃如斯昭文已無



琴默與萬化齊心酌一樽酒得醉聊自怡

蕭蕭白楊風依依坎井烟曠哉上下宇逝者不

待年彼隴亦何祥一日幾新阡誰招皋某復逝

哭送九泉高樓當西日落花滿寒川流浪曠劫

間彭殤俱可憐漢陵春蕭瑟回首尚變遷萬古

一起滅此意何茫然

至人守玄宅寸虛莫能傾俯觀萬物機寓化亦

寓生道去終不復行葦有餘聲帝者獨何居混

沌無聰明培風高純翔冥冥亂雲擁周流駕言

旋夜寒烟霧重身如江湖樽匏落豈無用歸來

無何鄉三株倚孤夢

夜久

夜久獨微步珠露空盈襟蕭條川氣高慘淡浦

色侵河橫星漸轉霧厚山將沉鳴虫促繁響蜚

螢亂寒陰時物遂如此惻愴抱寸心天將落月

去何當復東臨乾坤入冥莫衆竅酣哀音欲令

萬夢覺離憂獨難禁任高歌浩忘疲俯仰情逾深

忽聞雞聲起左右風滿林

讀晉史 九首

林疎暑風劇窗戶殊未涼悠然倦不力吾我已  
俱忘眼醒見周秦眼醉遊軒黃日月山外遇興  
廢枕中藏振衣起長嘯六合何軒昂斯人縱高  
視旁皇復旁皇於焉讀晉史感激係中腸言言  
不能已自笑已如狂

哀榮無盡變俯仰還相推陳留既作賓何如山  
陽時中都血流杵江左中興基不待卯金刀羸

疆呂已移天道巧相復人理固易知巢由邁高  
躅古今無還期

天地一虛器所寄在斯人人能主天地豈不貴  
我身嗟哉嵇阮輩酒鄉為隱淪朝醉既及暮暮  
醉還及晨裸飲或稱達喪飲迺名真獨善諒非  
計况此國與民被髮祭伊川豈不在諸臣平陽  
有餘恨千載同悲辛

蟄龍卧滄淵瑞鳳栖蓬海悠悠接輿歌千古消  
光彩出處酌其宜勿為世所駭預人家國事此  
身固有在

嗣宗濟世心無為著達莊叔夜明養生東市援

琴傷一出與一處徒能決藩牆淳風竟不返二

子俱忘羊汲郡蘇門山共<sub>其</sub>人遊何鄉我欲振奇

翮碧宇追翱翔

高平釋時論魯褒錢神篇晉轍固難挽猶勝談

虛玄夷甫晚良悔將死復何言誰登平乘樓尚

能議諸賢老莊異端學冥合歸自然蕭曹相業

大文景王道偏尊尚本非異興衰由此遷信知

浮論者亡國有餘愆

江左二百年立國初何恃中夜荒雞鳴天地皆

英氣枕戈劉越石擊楫祖士稚如此中原間端

能了公事局促併豫州奇功中道墜烏呼二豪

雄本為宗社計異類禽獸心推誠諒非意石死

故可哀稚則吾何議徒懷墟墓間還念金行祀

誰令若思後<sub>來</sub>後代常虧歎

兩賢不相厄王庾乃如斯天步政多艱此豈私

憤時東山謝安石造次威鳳儀三賢抱宏器繼

出相等夷風流文雅盡固惟世所推但恨立朝

間典禮殊未施玄談竟澆俗逆臣終亂階湯武  
肇王業伊周垂網維桓景彰伯道管晏橫要規  
古人不作遠所立百世師奈何民具瞻退食徒  
委蛇卜世固天定欲責當誰歸

又  
春風滿南國公子爭為歡錦繡少花艷珊瑚耀

日寒美人佩蘭麝驄馬馳雕鞍酣歌金谷迥笑  
舞涼臺寬一朝化為血付與來世嘆人國亦如

此榮落朝夕看悠悠勸進者端似墜樓難

真石難枯海膠杯誰能舟我豈不知我量力乃  
哲謀有才比管葛感奮為武侯保身慕夷齊靜

退淵明傳物亦非所忌名亦非所求北窗羲皇  
上東籬晉宋秋零陵一杯酒終古屬斯愁

秋雨

昔者三月晴厚地裂欲隳積此一月雨厚地融  
欲糜不知穹穹者若此何以為陰陽相鑿柄自  
怒還自怡風吹黍稷黑下方人怨咨怨咨猶尚  
可實自地難持我有斲藥鏡子以待朝飢有聲  
不敢吐坐看松雲垂

偶書

桐寒葉落風菊淨  
花開雨掩映半畦秋  
好竹三四五對此  
憔悴人忽笑不復語

掩卷

掩卷如爵爵爵爵亦何似  
野人每多憂不悟本  
無事仰觀千載前去者  
極所詣俯期千載後來  
者邈難至惟我於其間  
欲策無名驥出門萬里  
遠寸挽何能至山空白  
雲合日黑野風駛獨默  
已如瘖閑送飛鴉墜

次羅士鼎韻別羅以通

桐花滿天地鳳衰竟何鳴  
豈無雙綵翼誰與相  
目成山長迴風駛道暗浮  
雲征孤飛良獨苦吾  
道寧虧盈迺持一箭書欲  
破萬古城寸心挽來  
世日月當回精我亦願追  
逐難以覓形聲志合  
身復乖良晤何難并君持  
黃金鞭微徑所不經  
我無匹雖力敢擬世上英  
豈知一日別遂有千  
載清明發隔山雨何當與  
細評

遊芙蓉山 十三首

十里五里石一步一長嗟行行山轉高悠悠日  
將斜縈折抵深谷直下十數家來往自成村桃  
柳映桑麻崖杉老絳葉石棧垂枯花陰凝四時  
雪陽燄一川霞誰令余到此幽意浩無涯行將  
辨畚鍤來此畊山畬

又  
茗茗青芙蓉峻秀琢寒玉危流千丈飛鏗錡石  
相觸幽閤魚龍宮荒寒霧雨蓄淒神不可留前  
登散遐矚參差雜花動香氣汎深谷日照丹霞

開萬峯洗晴綠同心有長鏡緩尋靈藥斲葛仙  
早見招庶得從所欲遊此山

又  
春風吹衆樹響喚如鳴梭平烟帶遠村時聞樵  
者歌田父有真樂東臯牧羣鵝烟暖衆草合艷

綠如流波搔首負白日歡然得婆婆事立為福  
的  
基識深迺愁多西家酒正熟况此天氣和

側足上翠微石磴八九折開盡滿崖花坐來羣  
香歇遊目盡遠空亂數碧簪列草木頗惹龍雲  
興復霞蔚不知十日雨還長幾枝蕨山中無事  
業特持用慰採擷盈筐歸路遙忽見滿山月

又  
綠峯在頭上落月在脚下  
點點烟鬟開春晴真

無價紅泉響哀玉蒼石飲渴馬林窮蘭雪香崖

古蘿衣掛屬聞絕壑底松聲更清洒世遠事難

即趣深身彌暇誰知須臾間白雲已無罅都失

眼中奇茫然獨悲此

又  
孔雀本毒類文章飾其身翠尾列金花鮮鹿足

移人持以比此百鳥鴟鴞猶為仁出門遇田父相

對言語真桑麻暨粟麥自有事實存但觀田畝

間足想三代享長歌幽風詩笑入桃花源

逐日果何益俱至虞泗隈功能寧足誇戮力與

死偕移山良自苦負土期山頽山若不自移志

願終難諧長算恨日短遠心惜運推有為未足

恃超視良可哀古人日日去後人日日來若復

不自開千載誰當懷

又  
花開風自柔谷深日無暉高蘿鳥聲轉葱翠遙

陰霏孤娛有窮深境異心不移東峯虎長嘯西

澗麟爭啼運往人理盡物新古道違欣然抱奇

懷白雲遙相知日夕意猶緬信有忘歸時

雜花生佳樹羣女已出桑村深無秋胡笑語頗

相忘着身入淳俗自然和其光時讀種樹書理

近意夏更長山林足造化我土不敢荒自蒔一畦

菜蒼翠儼成行殺行竹插籬垣授所以貴周防雖無

人我欺深畏牛與羊倘或踐吾菜前功詎能償

雖悔復何益空使寸心傷

親友日以疎隣曲時復至相見晴雨外極論畊

種事我正春酒熟斟酌無次第開園摘綠蔬淡

煮有真味相勸人一生所得在幾醉淺深各盡

量但以醉為劑聖人亦朽骨我輩復何恃共賞

此言是更又醉到夢寐

日斜鳥聲樂風過花香駛客散冠巾欹我亦歸

去睡又日日碧出山去香草生還踏幽禽識履聲聞

鳴故相狎意行不知遠清嘯得虛荅石上綠雲

生巖下紫烟合莫負今日晴聊折山花插

商山非遠遐胡為可避世人間已帝秦紫芝尚

周味看瓜有奇禍紛紛誰能避此翁良優游乃

為秦所置獨恨六籍尊反受陋儒累倘使成德



人羅者誰敢睨蕭散東陵侯隱約濟南士清風  
百世存庶激懦夫志

我慕陶淵明能盡田畝情日夕飲名酒不知有  
此生乞食固非辱在官亦何榮當其高卧時但  
覺宇宙輕閒靜性獨樂不以矯激成極陳形影  
神尤戒無營營雖非晉宋秋寧計世間名道勝  
不知物天全妙無聲聊述吾所慕詎更待吾評

春日書懷

四首

肅肅春陰厚衆花不敢妍似為天所妬故着急  
雨湍好醜一時盡園林生綠烟亂雲猶崢嶸端  
坐自蕭然鶯聲日景迫柳色春序遷心期諒難

語縹緲鑪香傳

又  
墻東綠陰好稍覺朝夕遲人間事輪囷我枕聊

復欹開扉覽曉色萬端集兩眉風狂忽倒人迎  
立愛其吹掠我徑西去花影正逶迤微迎視青  
天一笑聊自持相如不妨漫長康政須癡

又  
我懷何悄悄彼日何炎炎寸心通來古窈窕捲  
疎簾閒我一叢菊青青映前簷秀色可怡悅更

着兩藜添林間此奇事乃許我輩兼聊持千載  
意以寓百歲淹神龍安可擾不用固應潛  
蛙聲池上起竹聲窗外傳吹萬不可息聒我春  
畫眠林外固多累林間復多喧誓欲躡太清冥  
冥不得前兀我一寸心焚香小窗邊以我無盡  
目送此有盡烟

溪行

悄悄抱孤懷悠悠步芳甸微風動半林細雨濕  
雙燕高堂狡獪人一瞬幻千變似嫌俗眼白遮  
斷遠峯面參差雙鷺下點破寒溪練立處不近  
人忽去何所見

李千戶至自南海分遺椰實喜賦

亂餘乏佳實賤者猶貴之招呼梨栗輩已作席  
珍推豈無仙人棗無經至山蹊桓桓李將軍色  
映海嶠奇歸馬馱椰子護落魏匏垂絢華殼初  
剖濯濯膾玉肌來餉山中人意重千金遺香醲  
陋石髓味腴輕肉芝尊前有南海頓壓衆果界  
向當遺子齡侍親曲江湄啖此不知厭亦與檳

柳宜既別十五年猶有夢往時故人忽相見喚  
起三生悲遇難心易快感至情還移百年能有  
此再見安可期子西憂蜜果東坡嘆荔枝雖云  
供貢勞吾念君臣儀安得白玉盤登之白玉墀  
萬古還綱常不令世愈哀蒼茫叫虞舜魂繞天  
南維梅花滿庭淨香烟一簾遲柳杯更自酌聊  
欲捐余思

歲晚詠懷

四首

陰風入空林玄雲幕平野薄惟負悶寒飛雪鳴  
古瓦抱衾不成溫孤懷浩難寫荒荒豺虎區三  
殤無遺者王風下列國安得猶存雅黃竹聲久  
沉傷來淚盈把

其二

前簷立閒夜園中珍木長雪雲正澄徹霜飈復  
飄揚衆星憑幽闇各出爭耀芒東方起圓月失  
此萬點忙不有照燭功何以尊其光安得騎蟾  
蜃偃息桂樹傍

其三

天霜不停威寒莖日以槁厲飈竟吹脫未許依  
藜老南山多白石終歲常皜皜乃知得至靜超

然全所保妄盡無非天心寧不違道彫落奚足

懷鍾山有神草

其四

門扃幽樹聲窗銷羣峯影寒氣迎遙夜華星在  
西嶺秋虫無餘聲時鴈有新警天機自消長冥  
參得深省名衢行萬里萬里輟理海載孤艇力弱昧前  
馳心強逝真境即俗幸無能淡然聊自領

城中雨後

何處山中烟移向城陰飛乃知一雨過光景與  
昨非心虛納浩蕩神邁得精微勿語馬上郎痴  
我似我譏鳥雀十數點空翔若無依城中彈丸  
多故林應未稀

華蓋山 二首

三山立天半蒼翠橫古今斷崖三萬丈花落紫  
烟深路蟠一帶危上薄元氣侵亂霞導飛鳥間  
雲護行襟風出虎豹穴泉壑蛟龍吟川明散衆  
色空碧生清音仰憇星河欠飛鳥下堦臨蕭然  
剛風近仙人撫瑤琴立身如此高人世寧不欽  
蒼茫萬里色浩蕩一寸心期為太清遊不獨往

山林

又

三山白雲合乘我空中行天近通一氣風清來  
 遠聲脩然卧高寒五曉天雞鳴下臨人世秋秘縱  
 覽鶴馭輕翩翩半崖端稍稍千村明餘雲垂衆  
 壑龍鳳紛送迎忽然各散去放作世間晴日色  
 到遠林輕烟藹藹生亂紅點長空霹羅已相驚  
 丈夫有高步所冀還丹成聖人似堯舜巢許猶  
 逃名禮華與樂葉俱隨秋樹零紛紛各在眼歎  
 息難為情

松野即事

羅氏園林五首

娛心杖杖老筇細數諸峯影微烟過前樹淡日有

半嶺幽鳥識歸宿遑恤雲路永冥鴻各有見日

邊半行整出處無定期是非諒難省歸休忽已

夜夜月變光景

其二

采采園中菊青青不堪摘沉思何不開我土槁  
 無液汲水聊一溉誓欲效綿力詎能樂安閒所  
 為造化惜少年莫相推精此意君應識屬聞毀折  
 多使我逾愈戚戚

其三

山窗一叢蕙修葉吐紫蕤或云斷續花我亦豈  
敢疑楚澤多芳草真偽奚難知浮俗尊虛名君  
傷令姿博觀貴自得清芬良在茲枝葉安足辨  
辨但令無自欺

其四

兩蟬着冠巾園林步逍遙微風所披拂衆樹皆  
蕩搖悠然一眺間快甚羣憂銷紫氣涵遠村高  
霞照青霄薄暮急行旅平疇散歸樵亦復掩幽  
扉夜意終寥寥

閒雲正相聚長風歛散之聚散每如此我懷焉  
不悲仰觀何所見所見天離離但當飲名酒寸  
心如始不移醉中無一事去盡識與知數樹洞庭  
霜足為歲寒資松柏即賓客終始無瑕疵

遠離別

空村落葉亂曠野飛雲遞抽盡園客繭難比妾  
相思自從出門來足釐折兆龜夜宿茅簷雞曉  
行霜露淒仰舉千重岑俯步百渡溪骨肉無一  
在親戚知為誰羣刀血模糊殺人相娛嬉有聲  
不敢吐有淚不敢垂妾魂久已逝妾身終何之

行行忽遇丘<sup>兵</sup>擾擾貪獲資力戰豈不勝何意救

蒸藜鄉兵又擄<sup>妾</sup>妾無異在賊時朝汲風激面暮

春<sup>春</sup>日皴<sup>春</sup>媿妾無使令者遠勝妾在茲寄言北去

烏妾死君得知自從結婚姻得備奉盥<sup>感</sup>匪幸甚

終所托可保黃髮期苟死又何憾<sup>感</sup>有此生別離

自盡亦非難冀君贖妾歸君心寧絕妾望君君

來斯又恐多險艱為妾使君危拂鬱一寸心撩

亂百結絲牽牛與織女乖隔始不疑昨夜夢到

家銀燭照華<sup>衰</sup>蒼夢覺恍見君回回日如迷果如

兩龍劍長懷相望悲人人倘如妾何以生世為

遊燒香寺於道傍折桂而歸遂賦

欲捐世間憂徑尋秋<sup>林</sup>下寺古松工聽法幽鳥靜

通慧鐘撞靖國聲苔識先朝事山僮偵茶候道

人玩香穉回看爭奪區始了西來意無生安得

滅有患非所致金仙一何高淡然無可累茫茫

曠大劫幽草供深翠出門見東村孤吹隨風駛

前林衆木奇醲薰隱幽桂飄揚滿虛空狂逐浩

無際冥叅超欲仙褻玩條已逝偶聞非售知抱

奇寧立異詎能媚司命深嘆招隱士折歸難贈  
人銅瓶且勤置

秋日山行雜興 四首

獨往非避俗散懷聊尋芳流風淡翠麓理榮秋  
路長蒼石含幽色樛木落寒香一片太古雲化  
為孤鳳翔忽然歸素霄蕩漾不可望浩歌向夕

霽敢事接興狂

其二

山回杉烟清崖傾花雨下詎知吾道非偶然適  
曠野磊落萬隕星赴流飲奔馬風微葉時落磴

寒雪自洒孤松縈蘿轉幽峯抱嵐把景晦良遇

稀心異真賞寡舉手謝時人岩陰栖古瓦

其三

晚山菡萏開濃秀映秋碧長風瀉萬里寒花落

石壁雲氣靜欲消霞光亂相激縹緲浮丘翁素

手垂鶴翼笑看蓬萊波與世共陳迹天地無恒

春羣兒倚少色功名猶自誤口體乃相賊安知

骨為塵不得同瓦礫

其四

浮丘經  
行之地

運去絕榮念化遷悟妄身舞智巧行殺亦笑榮  
公貧深谷無近患寒蘿抱餘春幽娛淡忘歸出



水無縑磷風生禽響發雨歇草色新回眺宇宙  
間忽覺無一人長嘯斷崖側悄愴將何親駭機  
滿岐路踏步安可輕所來為泉流倚石得細聆  
激烈蒼龍笛雍容紫鸞笙笙清輝洒空曲餘韻盤  
林扃至音含元化抑揚極和平區區理琴絲傾  
意俟人聽可伶望知己斷絃復何情

由書堂寺入夫容之麓五代時有胡先生  
隱居其地寺故名云今碑不書有游生  
者寫華嚴經留寺清整可觀生寧宗時

人

雨歇入幽麓朝氣籠淡晴夷途何所慮乃此泐  
流行天矯玉虬飛驚彼波候峽天明急播萬珠絡逝  
應千雷轟忽激羣鷺躍徐肆遊絲縈曲曲揭清  
淺盤盤度峻嶒明生一竹汀綠幽閤兩林清胡為  
夥生聚却羨非世羸蒼烟出磬響深谷藏金聲經  
閒過小蘭若茶香滿前楹誰寫天竺書秋鴈點  
寒汀盛代安可及隅谷有精能嘗聞昔五季胡  
君亦豪英讀書向此地詎冀千載名俗士輕高

人不著石麗性牲空令繞竹泉長作琅琅鳴寸心  
持餘感出門陟寒青駭石當日隙高下擁精靈  
朋藪烏犢伏孤兀蒼虎獒左峯覆欲壓右崖危  
將傾乾坤有此險始悔性命輕前邁忽自哂天  
定亦何驚萬杉列雲際濃淡因雲成佳棕交翠  
竹茅屋蠹相憑向來看畫意盡向眼中生老翁  
理泉竇東菑秧事興隄謂樂如此翁鬢訴其情  
歷述先朝美言罷淚縱橫方余起釀羨屬聞意  
冥冥古來多隱者全身一何清精將非智不及亦  
豈福難勝不然幽勝地自可飽芝苓放麈心不  
忍力極還小停歌吟雜悲樂寫之蒼石屏他年  
有知者此語良足徵

白馬篇

冥冥子規林蕭蕭綠楊路白馬誰家兒揚鞭西  
南去去去知何為不辭還淖苦陰陽速相禪乾  
坤幾新故丈夫慎馳騫馬者已艱步悠悠獨鳥  
沒霧暗連村樹

黃塘渡

早聞吳東路今識黃塘灘  
聊乘舴艋過一篙濟  
艱難絲秧映屋秀古木垂村寒  
曠野何所尊亂  
躍千平巒回眺寒烟外浮屠乃上干乾坤我來  
遲促促寧遑安遙謝山中人合眼無悲歡

文江夜舟

北斗一何渴下飲空江流  
南鴈知何愁相喚不自休  
東浦征人歸孤燈出籬幽  
西淵捕魚急飛火走一舟  
漢皇極寬仁今年租稅優  
有生亦擾擾吾道更悠悠

茗嶺人家

溪回谷深盤石阨水成布  
風吹岫下雲掛在溪  
東樹雨深兩岸花高下  
樓臺聚安知主為誰倚  
遍闌干去

秧風流平野麥雲抱長洲  
橫塘數株柳高墻閉  
孤樓生當宇宙間  
此劣寧彼優殷勤有雙燕  
相語知何愁

望玉筍

岸轉蒼石踞長松垂青蘿  
政當停棹時江入柳

陰多斜暉瀉列岫蕩漾萬金波倚舷一回顧暮  
氣忽嵯峨羣仙寫心處許我勤相過洞天無衆  
忤<sup>竹</sup>去去將如何

登北山塔

閒驅葛陂龍急追數峯雨仙人專幽奇我亦微  
徑取山花帶雲香徘徊綠覆宇身行元氣表心  
明萬里俯我今為我役出沒塵潦路仙人何超  
然應笑我如許何當寄此幽隱<sup>山</sup>几玩今古

東湖別吳伯清周栖雲虞伯生諸君子

炎炎白日長窈窕孤雲去身縻心久歸別至情  
更苦良時難驟得異縣不同聚名都親友并並  
翔文鴛羽處獨忽多聞至樂欣所遇析理挹清  
風吟詩看疎雨鳴琴挽幽聽評帖劣前武有時  
縱登覽江山見吞吐行襟浦草青解帶湖柳舞  
茲遊豈不佳歸來胡遽賦惟願<sup>願</sup>山林安終非城  
市侶故園夫容華綠池照茅宇我懷詎能忘寧  
為倦羈旅長歌招隱詩諸君果何許他夜宿山  
遊明月照去住

寄揭曼碩

急程驚語離知問枉敦良偉我謀多才涼齋每  
余困冰收閭波起雪解河松潤同行諒佳携芳  
華發清瞬名都計當達一官子難遜皇鑒洞淵  
逝深儲暢閑論達行異窮誓恒為高賢恨勗子  
振清風余今媿幽鈍

聚遠樓分韻得笛字

彩榜聚遠題登樓記疇昔一尊集七賢共領諸  
峯碧雲樹分村容嵐霏長溪色點點鴉影翻沉  
沉市聲冢古來多勝踐談笑不知夕欲去重倚  
闌嘹亮滄洲笛

梅

一徑蒼苔深梅龍著花早初回天際春更覺江  
南好月色冰霜寒角聲天地老寄語宋廣平時  
無蘇味道

題黃壽伯玉泉圖

匡廬三疊奇昔蔽今乍顯美玉倘可求佳泉諒  
難見胡朝暉瓊膏煜夜彩白虹貫比德世所欽含

光外非衙源往豐大川雲升澤九縣在山熟為  
貴出門敢云賤如何市朝朝為起山林羨有鉅公慕

山林  
之句

甲戌十月二十九日假北平館藏曹倦圃鈔本校

藏園老人記



知非堂稿卷之一終